

9 Ogos 2021
Kenyataan Media

PUSPAKOM SARAN HADIR PEMERIKSAAN KENDERAAN PERDAGANGAN LEBIH AWAL SEBELUM 1 OKTOBER 2021

Shah Alam, 9 Ogos 2021 – Selaras dengan pengumuman Jabatan Pengangkutan Jalan (JPJ) untuk tidak melanjutkan tempoh moratorium pelanjutan pembaharuan lesen kenderaan motor (LKM) selepas 30 September 2021 ini, PUSPAKOM menyarankan pemilik kenderaan perdagangan melakukan pemeriksaan dengan segera. Ini bagi mengelakkan kesukaran mendapat slot temujanji jika majoriti menangguhkan pemeriksaan ke saat-saat akhir iaitu penghujung September.

Oleh itu, pemilik kenderaan perdagangan termasuk kenderaan e-hailing yang tamat tempoh Perakuan Pemeriksaan PUSPAKOM pada 1 Jun hingga 30 September 2021 digalakkan melakukan pemeriksaan kenderaan mereka mulai sekarang.

Sebagai contoh, pelanggan yang Perakuan Pemeriksaan telah tamat tempoh disarankan membuat temujanji pemeriksaan seawal bulan ini dan mereka boleh hadir pemeriksaan tanpa perlu menunjukkan bukti pembayaran saman.

PUSPAKOM juga akan memastikan slot temujanji pemeriksaan adalah cukup sepanjang tempoh pelaksanaan moratorium ini. Namun, pelanggan wajib membuat temujanji secara dalam talian melalui laman sesawang www.mypuspakom.com.my atau aplikasi MyPUSPAKOM. Pemeriksaan secara walk-in tidak dibenarkan sama sekali.

PATUHI SOP DI PUSAT PEMERIKSAAN

Pelanggan yang hadir pemeriksaan perlu sentiasa mematuhi Prosedur Operasi Standard (SOP) yang ditetapkan dan memastikan MySejahtera diimbaz sebelum masuk ke premis PUSPAKOM. Hanya pelanggan yang diklasifikasikan sebagai risiko rendah sahaja dibenarkan masuk; mereka yang dikategorikan sebagai Kontak Kasual tidak akan dibenarkan masuk. PUSPAKOM berhak melarang masuk mana-mana pelanggan yang gagal mematuhi arahan yang ditetapkan.

Orang ramai boleh mengikuti Facebook PUSPAKOM Sdn Bhd atau melayari www.puspakom.com.my untuk mendapatkan maklumat terkini PUSPAKOM dari semasa ke semasa.

#

Untuk maklumat lanjut, sila hubungi:

Leong Pei Yee

Ketua, Jabatan Komunikasi dan Khidmat Pelanggan
PUSPAKOM
Tel: 03-2052 7465

Mohd Izzat Intanjudin

Eksekutif Kanan, Jabatan Komunikasi dan Khidmat Pelanggan
PUSPAKOM
Tel: 03-2052 7464

Elly

Jabatan Komunikasi dan Khidmat Pelanggan
PUSPAKOM
Tel: 03-2052 7322

MENGENAI PUSPAKOM

Puspakom Sdn Bhd (PUSPAKOM) merupakan syarikat pemeriksaan kenderaan yang pertama dan satu-satunya yang dilantik oleh Kerajaan Malaysia untuk menjalankan semua pemeriksaan mandatori bagi kedua-dua kenderaan komersial dan persendirian. Ditubuhkan pada tahun 1994, kami adalah anak syarikat milik penuh DRB-HICOM Berhad.

Peranan utama kami adalah untuk menjalankan pemeriksaan ke atas kenderaan untuk membantu pemilik kenderaan dalam memastikan kenderaan berada di dalam keadaan yang selamat untuk dipandu di atas jalan raya serta memastikan pemilik kenderaan mematuhi peraturan-peraturan dalam memelihara alam sekitar melalui ujian pelepasan asap. Ini akan dilakukan melalui pemeriksaan yang ketat dan teliti terhadap kenderaan untuk memastikan mereka mematuhi peraturan keselamatan Kerajaan.

Setiap tahun, PUSPAKOM menjalankan lebih daripada 3 juta pemeriksaan kenderaan. PUSPAKOM mempunyai rangkaian di seluruh negara di 54 pusat pemeriksaan yang dilengkapi peralatan yang diiktiraf dan dikalibrasi oleh pihak berkaitan dari semasa ke semasa. Selain itu, PUSPAKOM juga mempunyai lebih daripada 25 pemeriksaan secara lawatan yang menyediakan perkhidmatan pemeriksaan kenderaan di kawasan kurang penduduk dan di luar Bandar.

Perkhidmatan Pemeriksaan Bergerak PUSPAKOM terdiri daripada Unit Bergerak Trak, Unit Bergerak Van dan Unit Bergerak Ringan, menyediakan perkhidmatan pemeriksaan kenderaan dari pintu ke pintu kepada pelanggan individu dan korporat kami. Kami bangga memberikan perkhidmatan pemeriksaan kenderaan yang cepat, cekap dan tepat secara profesional.